

*Imperium Ma-
jorum.*

Totius autem tractus Asiatici Monarchæ primi fuere *Assyrii*, quorum postremus *Sardanapalus*, unice luxuriæ, profligatissimaque molliciei homo, inter scortorum greges deprehensus, ab Arbaço, nec multo post ab eodem prælio victus, instructâ incensâque pyrâ, se & divitias suas in incendium misit. Postea ad *Persas* devolutum Imperium. Inter quos Xerxes Darij filius bellum à patre cœptum adversus Græciam, quinquennium instruxit, copiasque decies centum millium, strato super Hellespontum ponte, ex Asia in Europam deduxit: quas naves quoque decies centum mille numero comitatæ sunt: frustraneo conatu: quum is qui Deo minitari, Mari insul- tare, Neptuno compedes injicere, cœlo tenebras inducere, Montes solo æquare, totum Orbem concutere ausus fuerat, vix, profligatis copijs, piscatoris scaphâ fretum trajecit, fracto hibernis tempestatibus ponte. Postre- mus Persici imperij Darius fuit, qui victus superatusque ab Alexandro, Macedonum Monarchiæ viam fecit, qui primus eam ex Asia in Europam transtulit. Nunc autem Asia universa secundum ejus Imperia quibus ad- ministratur, nobis non ineptè dividi posse videtur. Cujus prima pars paret Imperio Turcico, cujus origo à Ma- humeto, ditio perampla. Sed & Moscoviæ Dux magnam Asiæ partem occupat, inclusam Mari glaciali, Oby fluvio, Kitaia lacu, & lineâ inde ductâ ad Mare Caspium, Isthmumque qui inter hoc Mare, & Pontum est. *Ter- tiam* partem Magnus Cham Tartarorum Imperator possidet, cujus fines à Meridie sunt, Mare Caspium, Jaxar- tes fluvius, Imaus Mons: ab Ortum & Septemtrione Oceanus: ab Occidente Moscoviæ Regnum. *Quartam* ha- bet Rex Persarum Sophi. Huic ab Occidente est Turca, à Septemtrione Tartarus, à Meridie Rubro Mari allui- tur: ad Ortum verò Indo flumine. *Quinta* pars continet Indiam tam intra quàm ultra Gangem, quæ non ab u- no solo ut reliquæ: sed pluribus Regulis (nam qualibet illius regio propriū ferè habet Principem, quorum nō- nulli etiam Magno Chamo vestigales sunt) regitur. *Sexta* habet Regnum Chinæ amplissimum. *Septima*, Insu- las omnes in Oceano Indico & Orientali, variè dispersas complectitur. Inter quas *Taprobana* & *Zeilan*, duæ *Ja- vae* Patrum memoriâ à Lusitanis detectæ, *Borneo*, *Celebes*, *Palohan*, *Mindanao*, *Gilolo*, cum *Moluccis* aromatife- ris. Tum *Japonia*, & nuperrimè inventa *Nova Guinea*, de qua an Insula sit, an terræ Antarcticæ connexa, non- dum constat. Veteres verò, ut Strabo II: & Arrianus 5. multifariam eam divisere. Ptolemæus in 47 Regio- nes ac Provincias distribuit, cujus descriptionem tradit, quinto, sexto, ac septimo Geographiæ libris, duodē- cim videlicet tabulis absolutam. Habuit hæc tres urbes toto terrarum Orbe celeberrimas, *Babylonem*, *Ninivē*, & *Hierosolyma*. Habet lacus piscosos & imensos, atque unum Mare Caspium in modum vastissimi lacus, quod ad Oceanum usque non pertingit. Fluvios item plurimos, inter quos clariores sunt *Tigris*, *Euphrates*, quo- rum Moses in Genesi meminit, *Jordanis*, *Indus*, *Ganges*. Montes hîc etiam insignes atque admirandi, inter quos *Mons Taurus* qui totam Asiam dirimit, ab Eois veniens littoribus. Immenso ipse & innumerarum pene gen- tium arbiter, dextero latere Septemtrionalis vbi primum ab Indico Mari exurgit: lævo Meridian°, & ad Occa- sum tendens, donec prementi terras occurrât Maria, velut de industria rerum Naturâ subinde æquora opponē- te, hinc Phœnicium, hinc Ponticum: illinc Caspium & Hyrcanum, contraque Meoticum lacum. Torquetur igitur collisus inter hæc claustra: & tamen victor, flexuosus exadit usque ad cognata Rhiphæorum montium ju- ga, nu-

Urbes.

Lacus.

Flumina.

Montes.